



ÅL KOMMUNE


# Regelsamling

for

# Ål kommune

2021 – 2024

Vedteke i kommunestyre 18. februar 2021, sak 10 /21



## Innhold

INNLEIING.....	2
1. FELLES REGLAR FOR SAKSHANDSAMING I FOLKEVALDE ORGAN .....	3
1.1. Konstituering og val .....	3
1.2. Innkalling - møtetid – dokumentutsending .....	3
1.3. Opne eller lukka møte .....	4
1.4. Møteplikt - forfall - varamedlem .....	4
1.5. Møteleiar .....	4
1.6. Opning av møte .....	4
1.7. Handsaming av sakene .....	5
1.8. Sakshandsaming .....	5
1.9. Habilitet ( Forvaltningslova Kap. II ).....	5
1.10. Ordskifte og røysting .....	5
1.11. Spørsmål til møteleiar.....	6
1.12. Møtebok .....	7
1.13. Krav om lovlegheitskontorll ( Kommunelova §§ 27-1, 27-2 ).....	7
1.14. Orden .....	7
1.15. Ordføraren sin møterett.....	7
1.16. Møterett for andre .....	7
1.17. Utvida innsynsrett for folkevalde organ .....	8
1.18. Fjernmøte .....	8
1.19. Møteplan .....	9
2. OPPLÆRING OG INFORMASJON TIL DEI FOLKEVALDE.....	10
3. Forskrift om godtgjersle for folkevalde, Ål kommune, Viken.....	11
4. DELEGERINGSREGLEMENT FOR ÅL KOMMUNE.....	14
5. ETISKE RETNINGSLINER FOR TILSETTE OG FOLKEVALDE I ÅL KOMUNE. ....	15
6. FRAMGANGSMÅTE FOR Å AVGJERE OM EI SAK ER PRINSIPELL. ....	21
Vedlegg I – STYRE, RÅD, UTVAL OG MEDLEM TIL.....	22
Vedlegg II A - Ål kommune - Politisk organisering .....	24
Vedlegg II B - Ål kommune – Administrativ organisering .....	25

## **INNLEIING**

### **Heimel**

Regelsamlinga for Ål inneheld desse elementa som er heimla i kommunelova av 2018:  
reglement for folkevalde organ § 5-13, reglement for delegering og innstilling etter § 5-14,  
reglement for saksbehandling etter § 11-12.

Forskrift om godtgjersle for folkevalde §§ 8-3, 8-4, 8-6 og 8-10 , vedteke i K-sak 73/19.  
Etiske retningsliner for tilsette og folkevalde i Ål, sist vedteke i K-sak 55/11.

Regelsamling for Ål 2019-2023 gjeld frå 18.02.2021 , jamfør kommunestyrevedtak 10/21.  
Det nye kommunestyre skal innan 31. desember året etter det vart konstituert vedta delegasjonsreglement  
og innstillingsrett jr. kommunelovens § 5-14.

Ål kommunestyre vedtek:

Rådmann har høve til å gjere redaksjonelle endringar og vedlikehald av delegerings-reglementet av ikkje  
prinsipiell art, dersom lovendringar eller liknande tilseier det. Rådmann har også høve til å gjere om på  
administrativ delegering.

Regelsamling for Ål 2019-2023 erstattar Regelsamlinga for Ål vedteke 31. august 2017, K-sak 46/17.

# **1. FELLES REGLAR FOR SAKSHANDSAMING I FOLKEVALDE ORGAN**

Jfr. Kommunelova - Kapittel 6. Saksbehandlingsregler i folkevalgte organer  
Vedteke av Ål kommunestyre i K. sak 46/17, K. sak 34/13, K. sak 77/12 og K. sak 55/11

## **Innleiing**

Fastsett jf. kommunelova § 39. Reglane skal gjelde for politisk valde styrer, nemnder og organ samt partssamansette styre og utval.

Folkevalde organ handsamar sakene sine og gjer vedtak i møte jfr. kommunelova § 30.

## **1.1. Konstituering og val**

Kommunestyret konstituerer seg i fyrste møte jr. kommunelova § 17. Etter at valet er kjent gyldig, jfr. vallova § 13-, vel kommunestyret formannskap, ordførar, varaordførar, sektorutval og valnemnd.

Det nye kommunestyret vel deretter nemnder, kontrollutval og andre utval oppretta av kommunestyret for valperioden.

Kommunestyret vel og leiar og nestleiar i utval og nemnder med unntak av einskilde organ. (sjå eige oppsett i vedlegg I)

Kommunestyret vel og medlemmer og varamedlemmer i statlege nemnder på kommunenivå, og andre organ som kommunen tek del i.

## **1.2. Innkalling - møtetid – dokumentutsending**

### **Kommunestyret:**

Kommunestyret held møte etter fastlagd møteplan, dessutan når minst 1/3 av representantar krev det, når ordføraren kallar saman eller når formannskapet gjer vedtak om dette.

Ordføraren kallar inn til møte og set opp sakliste.

Innkallinga skal innehalde opplysningar om tid og stad for møtet, saksdokument for saker til handsaming og melding om kvar saksdokumenta er lagde ut til gjennomsyn.

Innkallinga vert sendt elektronisk til medlemmer og varamedlem i kommunestyret. Er eit parti representert med 5 representantar eller fleire, får også 2.varamann tilsendt saksliste og dokument. Møtet skal kunngjerast på den måte som kommunestyret fastset, og til vanleg med minst 7 dagars varsel. Der det er fastsett særskilde fristar, t.d. for handsaming av årsbudsjett og økonomiplan, gjeld desse med utlegging til offentleg gjennomsyn 14 dagar før møtet.

Samtidig med innkallinga skal offentlege dokument leggjast ut til gjennomsyn på aktuelle stader og på Ål kommune sine heimesider.

Dokument som ikkje er offentlege etter offentlegheitslova eller andre særlover, og som ikkje andre enn kommunestyrerrepresentantane har krav på, vert berre sendt til møtande representantar.

### **Felles for formannskapet, sektorutval og andre folkevalde organ:**

Organet har møte etter fastlagd møteplan, dessutan når ordførar / leiar finn dette naudsynt, eller når minst 1/3-part av medlemmane krev det.

Leieren i samarbeid med administrasjonen set opp sakliste og kallar saman til møte, til vanleg med minst 7 dagars varsel, der tid og stad for møtet går fram.

Sakliste og saksdokument går ut til faste medlemmer og til 1.varamann. Er eit parti representert med 5 representantar eller fleire, får også 2.varamann tilsendt saksliste og dokument. Innkallinga skal kunngjerast. Nye saksdokument som kjem til etter at sakene er sendt ut skal ettersendast eller leggjast fram i møtet. Organet avgjer sjølv om dei vil avgjere saker der nye saksdokument vert lagt fram direkte i møtet.

### **1.3 Opne eller lukka møte**

Ein kvar har rett til å være tilstade i møta til folkevalde organ dersom ikkje anna følgjer av §11-5.

Eit folkevald organ skal vedta å lukke eit møte når det skal handsame ei sak som gjeld arbeidstakar sine tenestetilhøve. Organ skal også vedta å lukke eit møte når det føreligg lovbestemt teieplikt.

Eit folkevald organ kan vedta å lukke eit møte viss eit av følgande vilkår er oppfylt:

- a) omsynet til personvern krev det.
- b) når sterke offentlege interesser tilseier det og det vil kome fram opplysningar i møtet som kunne vore unнатake offentleg innsyn etter offentlegheitslova, dersom det hadde stått i eit dokument.
- c) Kommunerådet bestemmer sjølv om eit møte i rådet skal vera opent. Dersom rådet skal behandle saker som er omtala i andre ledd, skal møte
- d) Dersom møteleiar eller vedkomande organ krev det, skal ordskiftet om lukking av møtet haldas i lukka møte. Avstemming skal skje i ope møte.

Møteleiar skal etter oppmoding gje løyve til å gjere opptak av eller overføre lyd eller bilete frå opne møte, så framt dette ikkje verkar forstyrrande på gjennomføringa av møtet jf. §11-6.

### **1.4. Møteplikt - forfall - varamedlem**

Dei som er valde til medlem av folkevalt organ pliktar å ta del i møta i organet med mindre det ligg føre lovleg forfall.

Sekretariatet skal legge fram tvil om forfall er lovleg for leiar av utvalet.

Dersom eit medlem, eller innkalla varamedlem, ikkje kan møte grunna lovleg forfall, skal melding om dette gjevast til sekretariatet utan opphald. Sekretariatet skal straks kalle inn varamedlem.

Det same skal sekretariatet gjere når dei er gjort kjent med at nokon må gå frå fordi han/ho er ugild i ei sak som skal opp på møtet.

Dersom nokon på grunn av lovleg forfall må gå frå møtet før det er slutt, skal det gjevast melding til sekretariatet som kallar inn varamedlem. Medlem kan ikkje gå frå møtet før ei sak som er teken opp til handsaming er avslutta.

Eit varamedlem som har teke plass i møtet, skal vere med til påbyrja sak er avslutta, sjølv om fast medlem eller høgare rangert varamedlem kjem til møtet.

### **1.5. Møteleiar**

Møte i kommunestyre og formannskap vert leia av ordførar eller i hans/hennar fråvær, varaordførar. Har både forfall vert det vald setteordførar ved fleirtalsval.

Møte i sektorutval og nemnder vert leia av leiar eller nestleiar. Har både forfall vert leiar vald ved fleirtalsval.

### **1.6 Opning av møte**

Til fastsett tid opnar ordførar/leiar møtet, og les opp fråværsliste og møtande varamedlemmar. I kommunestyret vert det føreteke namneopprop.

Minst halvparten av medlemmene i formannskapet/ utvalet/ nemnda inklusive møtande varamedlemmer må vere tilstade for å kunne opne møtet på lovleg vis.

Representantar som kjem etter at møtet er opna skal melde seg til ordførar/leiar før dei tek plass.

Møteleiar spør om det er merknad til innkalling, sakliste eller referat frå førre møte.

I konstituerande møte i kommunestyret må 2/3 av representantane være tilstade jfr. Kommuneloven § 17-1.

## **1.7. Handsaming av sakene**

Sakene skal handsamast i den rekkefølge dei har i innkallinga. Organet kan likevel gjere vedtak om å endre rekkefølge. Interpellasjonar (spørsmål til leiar) bør likevel alltid komme etter dei andre sakene, utan omsyn til nummerrekka i innkallinga.

## **1.8. Sakshandsaming**

Rådmannen skal sørge for at saker som vert lagde fram for politiske organ er forsvarleg utgreidd, og at vedtaka vert sett i verk. Som hovudregel skal rådmannen gje innstilling i alle saker, og innstillingar til avslag i enkeltvedtak skal grunngjevast.

Er ei sak teke opp til handsaming, kan møtet ikkje avsluttast før saka er avgjort ved røysting. Organet kan, med vanleg fleirtal, vedta å utsette realitetshandsaming av ei sak på den utsende saklista. Saka vert då uendra sett opp på saklista til neste møte.

Vert saka utsett og sendt tilbake til rådmannen eller til eit utval med krav om fleire opplysningar, vert saka sett opp på saklista så snart som mogleg.

Organet kan og gjere vedtak i saker som ikkje er sett opp på saklista dersom ikkje møteleiar eller 1/3-part av dei møtande representantane set seg i mot dette.

## **1.9. Habilitet ( Forvaltningslova Kap. II )**

Forvaltningslova kap. II og kommunelova § 11-10 regulerer spørsmål som gjeld habilitet.

Den einskilde representant har eit sjølvstendig ansvar for å reise spørsmålet om eigen habilitet, og gå ifrå dersom det blir diskusjon og røysting. Er det tvil om habiliteten, avgjer organet sjølv dette utan at den det gjeld deltek. J.fr. forvaltningslova § 8.

## **1.10. Ordskifte og røysting**

Møteleiar refererer sakoverskrifta og framlegg til vedtak. I tillegg kan det gjevast ei kort orientering om innhaldet i saka. Det skal i tillegg orienterast om eventuell dissens i saka, dersom denne har vore handsama i anna organ.

Møteleiar spør om nokon ønskjer ordet i saka, og representantane får ordet i den rekkefølge dei ber om dette.

Talar skal rette innlegget til møteleiar. Han/ho skal halde seg til saka, eller til den delen av saka som ordskiftet gjeld.

Vert det sett fram utsettingsframlegg skal ordskiftet og røysting om dette framlegget handsamast først.

Det må ikkje seiast noko som er krenkande mot medlemmer av organet eller andre.

Ingen må lage støy eller uro for å gi tilkjenne sympati eller antipati.

Ved brot på ordensreglane skal møteleiar dele ut inntil to åtvaringar. Skjer dette fleire gonger skal møteleiar ta ordet frå vedkommande, eller la organet røyste over spørsmålet om han/ho skal stengast ute frå resten av møtet.

Møteleiar skal ikkje stoppe nokon som har ordet med mindre det ligg føre brot på ordens-reglane, eller for å rette opp mistydingar.

Ønskjer ordføraren å ta del i ordskiftet i kommunestyret utover generell utgreiing til saka, skal han/ho gje frå seg møteleiinga til varaordføraren.

Møteleiar kan gjere framlegg om avgrensa taletid. Organet kan med vanleg fleirtal vedta kor mange minutt kvart innlegg kan vare. Det kan gjerast unntak for rådmann og gruppeleiarar.

Berre medlemmer i folkevalde organ og rådmann har rett til å komme med framlegg i saker med mindre særlover gjev andre slik rett.

Framlegget skal leverast skriftleg til møteleiaren. Unntak for dette er i saker som gjeld val, tilsetting, utsetting av saka eller oversending av saka til anna kommunalt organ.

Eit skriftleg framlegg skal underskrivast av den som set fram framlegget.

Møteleiar skal referere framlegget før røysting.

Framlegg til heilt eller delvis avslag i enkeltvedtak skal grunngjenvæst.

Rådmann har rett og plikt til å vurdere om eit framlegg er lovleg.

Meiner rådmannen at framlegget er ulovleg, skal han/ho gjere organet merksam på dette.

Når ordskiftet er slutt, seier møteleiar frå at saka vert teke opp til røysting. Frå då og til røysting er gjort skal det ikkje vere ytterlegare ordskifte i saka eller bli sett fram nye framlegg.

Dei representantane som er i salen på den tid saka vert teke opp til røysting, har rett og plikt til å røyste.

Dei kan ikkje forlate salen før røystinga er avslutta.

Ved val av folkevalde organ og tilsetjing følgjer ein reglane i kommunelova §§ 7-7 og 7-8.

Er saka delt eller det skal røystast over meir enn eit framlegg, gjer møteleiar framlegg om rekkefølgje i røystinga. Vert det ordskifte om dette, skal møteleiar sjå til at talarane held seg til spørsmålet om røystinga.

Før endeleg røysting i ei sak kan det haldast prøverøysting. Prøverøystinga er ikkje bindande.

Røystinga kan gjerast på ein av desse måtane:

- a) Stillteiande godkjenning - når ingen seier imot eit framlegg som møteleiar set fram.
- b) Møteleiar ber dei som er imot eit framlegg gje røysteteikn.  
Når møteleiaren vil, eller ein representant krev det, skal det haldast motrøysting slik at dei som er for framlegget gjev røysteteikn.
- c) Med røystesetlar utan underskrift. Møteleiar peikar ut to av representantane til å telje røystene.  
Røystesetlar kan berre nyttast ved val eller tilsetting, og berre dersom nokon krev slik røysting. Er røystetala like i ei avrøysting avgjer møteleiar si stemme utfallet. Ved val og tilsettingssaker gjeld likevel reglane som er gjevne i kommunelova § 7-8.
- d) Namneopprop, med ja eller nei til svar når møteleiar ropar opp namna på dei som møter. Det skal trekkast om kven som skal svare først.  
Eit medlem oppnemnd av møteleiar kontrollerer røystinga ved å merke av på namnelista.  
Namneopprop vert brukt når møteleiar bestemmer det eller når ein representant krev det og dette får tilslutnad frå minst 1/5-part av forsamlinga.  
Det vert røysta - utan ordskifte - over spørsmålet om det skal vere namneopprop på den måten som går fram av pkt. b).

## 1.11. Spørsmål til møteleiar

Utanom dei sakene som står i innkallinga til møte, kan kvar representant som er med i eit politisk organ kome med spørsmål retta til leiaren i organet. Eit spørsmål må meldast til leiaren minst to dagar før møtet dersom ein ynskjer skriftleg svar i fyrste møte.

Svar frå leiari kan gjevast i møtet, eller utsettast til neste møte i organet, dersom fristen ikkje er overhalden. Det kan opnast for ordskifte i samband med spørsmål. Usemje om dette vert avgjort ved vanleg fleirtalsavrøysting.

Eventuelt framlegg reist i samband med eit spørsmål, kan ikkje avgjerast i møtet dersom møteleiar eller 1/3-part av medlemmene er imot dette (J.fr. kommunelova § 34, 1)

## **1.12. Møtebok**

Alle organ skal føre møtebok. I møteboka skal førast tid og stad for møtet, namna på dei som er til stades, fråvær og møtande varamedlemmar. Kjem nokon til eller går frå møtet, skal dette førast i møteboka slik at denne syner kven som har delteke ved handsaming av sakene.

Kva for saker som vart handsama, kva for vedtak som vart gjort og avstummingsresultat.

Sakene skal førast i rekkefølge for kalenderåret. I kvar sak skal førast sakshandsaminga i møtet og alle framlegg som det vert røysta over. Møteleiar avgjer om nokon skal få ført protokolltilførsel inn i møteboka. Kjem det motsegner mot dette, avgjer organet dette sjølv. Krav om protokolltilførsel må settast fram i same møtet og før neste sak vert teken opp til handsaming.

Alle medlemmer eller eit utval av desse skal signere møteboka.

Møteprotokoll vert sendt elektronisk til medlemmar, varamedlemmar og andre som saka gjeld. Eit eksemplar vert innbunde og arkivert ved slutten av året.

Rådmannen er ansvarleg for at møteboka til alle folkevalde organ vert ført på forsvarleg vis, og at dokumenta vert forskriftsmessig tekne vare på, jfr. arkivlova og tilhøyrande forskrifter.

## **1.13. Krav om lovlegheitskontorll ( Kommunelova §§ 27-1, 27-2 )**

Tre eller fleire medlemmer i kommunestyret kan saman sende ei avgjerd, fatta av eit folkevald organ eller administrasjonen til departementet for kontroll av om avgjerda er lovleg.

Krav om slik kontroll skal sendast skriftleg til det organet som har gjort vedtaket.

Dersom organet held fast på avgjerda, skal saka sendast departementet.

Krav om lovlegheitskontroll må fremjast innan tre veker, rekna frå vedtaksdato.

Dette gjeld ikkje krav om ny handsaming som kjem frå eit departement eller fylkesmannen.

## **1.14. Orden**

Møteleiare skal sørge for å halde god orden i møtesalen. Han/ho skal sørge for at talarane ikkje vert stoppa eller uroa av nokon. Dersom nokon av tilhøyrarane uroar debatten, kan møteleiar vise dei ut. Det same gjeld dersom det vert vist framferd i strid med god orden.

Teikningar, tabellar m.m. må ikkje settast opp i salen når det er møte utan samtykke frå møteleiar eller det folkevalde organet.

## **1.15. Ordføraren sin møterett**

Ordførar har møte- og tal- og forslagsrett i alle kommunale organ, personleg eller ved eit anna Kommunestyremedlem i kontrollutvalet har ordførar berre møte- og talerett. Han/ho har røysterett berre dersom han/ho er vald medlem i organet. Møterett kan vera oppheva i særlov.

## **1.16. Møterett for andre**

Rådmannen har møte- og talerett, personleg eller ved ein av sine underordna, i alle kommunale organ med, med unntak av kontrollutvalet.

Andre enn rådmannen og den han/ho gjev fullmakt, kan vere med i møtet når dette er heimla i lov, eller når leiaren i organet eller rådmannen ber om det.

Representantar for dei tilsette har møte- og talerett i kommunale organ når desse handsamar saker som gjeld tilhøve mellom kommunen som arbeidsgjevar og dei tilsette.  
Møteretten kan vere oppheva i særlov.

## **1.17. Utvida innsynsrett for folkevalde organ**

*Eige reglement for innsynsrett vedtatt i k-sak 46/17 går ut og vert erstatta av dette punktet.*

1.17.1 Kommunestyret som organ har rett til innsyn i alle kommunale saksdokument, med dei avgrensingar som føljer av punkt 1.17. Andre folkevalde organ har, med same avgrensar, rett til innsyn i alle saksdokument som omhandlar dei delane av kommunen si verksemد som organet har ansvar for eller handsamar.

1.17.2 Eit folkevald organ kan berre få innsyn i saksdokument som gir kunnskap om opplysningar som er underlagt teieplikt når dette er naudsynt ved handsaming av ei konkret sak i organet og forvaltningslova § 13b første ledd gir heimel for unntak frå teieplikta.

1.17.3 Dersom eit folkevalt organ ber om innsyn etter punkt 1.17.1, må vedtak om å krevje innsyn gjeas med minst tre stemmer eller med flerital av dei gitte stemmene.

1.17.4 Dersom eit folkevald organ ber om innsyn etter punkt 1.17.2, må vedtak om å krevje innsyn treffes av fleirtalet av avgitte stemmer.

1.17.4 Retten til innsyn tek til å gjelde når saka som saksdokumenta tilhøyrer, er sendt til politisk handsaming. For saker som skal avgjerast i administrasjonen gjeld retten til innsyn frå det tidspunkt når saka er ferdig handsama.

## **1.18. Klage og omgjering**

Handsaming av klage over forvaltningsvedtak følgjer reglane i forvaltningslova, dersom anna ikkje er fastsett i særlov.

Det organ/utval som har gjort vedtaket, skal først handsame klaga for eventuelt omgjering av vedtaket. Om dei held fast vedtaket, går klaga til klagenemnda.

Formannskapet er klagenemnd for vedtak fatta i utval, underutval og administrasjon etter delegert mynde.

Kommunestyret ved eiga oppnemnt klagenemnd handsamar klage på vedtak fatta av formannskapet.

Klientutvalet er klageorgan for saker avgjort av administrasjonen etter lov om sosiale tenester og lov om barnevern.

Sektorutval for helse- og sosialsaker er klageorgan for saker avgjort etter lov om Helsenester i kommunane.

Medlem i organ som har teke del i handsaminga av saka som det vert klaga på, er inhabile under klagehandsaminga.

## **1.18 Fjernmøte**

Kommunestyret kan sjølv vedta at folkevalte organ i kommunen skal kunne halde møte som fjernmøte jf. §11-7. Deltakarane sit då ikkje i same lokale, men via tekniske hjelpemiddel kan dei sjå, høyre og kommunisere med kvarandre. Krava som elles gjeld for gjennomføring av møte, gjeld også for fjernmøte. Dersom eit møte skal lukkast etter § 11-5, andre ledd, kan ikkje møte gjennomførast som fjernmøte.

## **1.19 Møteplan**

Folkevalde organ skal behandle saker og gjere vedtak i formelle møte, jf § 11-2 i kommunelova.

Møte i folkevalde organ skal haldast i samsvar med vedtatt møteplan. Eller når eitt av følgjande vilkår er oppfyltt:

- a) Organet sjølv eller kommunestyret vedtek det
- b) Organet sin leiar meiner det er nødvendig.
- c) Minst 1/3 av medlemmane krev det.

Møtet vert leiar av organet sin leiar eller nestleiar. Dersom begge har forfall skal ein særskild møteleiar veljast ved fleirtalsval.

## **2. OPPLÆRING OG INFORMASJON TIL DEI FOLKEVALDE.**

Vedteke av Ål kommunestyre i K. sak 10/21, 46/17, K. sak 34/13, K. sak 77/12 og K. sak 55/11

For nyvalde politikarar skal det arrangerast kurs og opplæring der dei grunnleggande prinsipp for kommunen si verksemد vert gått igjennom. Kursa vert bygde opp med fagleg innhald vekta både på kommunen si rolle som organisasjon, som forvaltnings-organ og tenesteprodusent.

Ordføraren er opplæringsansvarleg for dei folkevalde, og tek initiativ og koordinerer opplæring av kommunestyrerepresentantane. Leiar av utval er ansvarleg for den faglege opplæringa av medlemmer til nemnder og utval.

### **3. FORSKRIFT OM GODTGJERSLE FOR FOLKEVALDE, ÅL KOMMUNE, VIKEN**

Dato	FOR-2019-11-28-2292
Ikrafttredelse	28.11.2019
Sist endret	<u>FOR-2021-11-26-3983</u>
Gjelder for	Ål kommune, Viken
Hjemmel	<u>LOV-2018-06-22-83-§8-3, LOV-2018-06-22-83-§8-4, LOV-2018-06-22-83-§8-6, LOV-2018-06-22-83-§8-10</u>
Kunngjort	09.10.2020 kl. 16.30
Korttittel	Forskrift om godtgjersle for folkevalde, Ål

**Heimel:** Fastsett av Ål kommunestyre 28. november 2019 med heimel i lov 22. juni 2018 nr. 83 om kommuner og fylkeskommuner (kommuneloven) § 8-3, § 8-4, § 8-6 og § 8-10.

**Endra** ved forskrift 26 nov 2021 nr. 3983.

#### **§ 1. Formål**

Forskrifta skal legge til rette for brei rekruttering til kommunale tillitsverv gjennom økonomiske ordninger som gjer det mogleg å for alle å delta i lokalpolitikken.

#### **§ 2. Folkevalde sin rett og plikt til å delta i møte**

Medlemmar i kommunen sine folkevalde organ plikter å delta i organa sine møter om dei ikkje har gyldig forfall. Gyldig forfall er sjukdom eller andre hindringar som gjer det vanskeleg å møte. Forfall skal meldast til politisk sekretariat.

#### **§ 3. Godtgjersle til ordførar**

Ål kommune har ordførar på heiltid og ordføraren si godtgjersle er 90 % av løna til stortingsrepresentantane. Godtgjersla blir utbetalt over 12 månader.

#### **§ 4. Godtgjersle til varaordførar**

Godtgjersla til varaordførar er 8 % av ordføraren si godtgjersle. Godtgjersla blir utbetalt over 12 månader.

#### **§ 5. Godtgjersler**

Leiarar i sektorutval og faste medlemmar i formannskap, kommunestyret og sektorutval får ei fast årleg godtgjersle i tillegg til møtegodtgjersla, som dekker det arbeidet og oppfølginga det medfører å vere fast medlem. Denne godtgjeringa blir utbetalt ei gong i året, uavhengig av fråvær.

Møtegodtgjersla inkluderer dekning av møteførebuing (kommunelova § 8-4 ).

Det blir ikkje betalt feriepengar av godtgjersle (berre av løn).

Leiarane får ei årleg fast godtgjering i tillegg til møtegodtgjering, utbetalt ein gong i året.

STNR	Leiar	2,800 % av ordførarløn i året
SUKO	Leiar	1,833 % av ordførarløn i året
SHO	Leiar	1,833 % av ordførarløn i året
Kontrollutvalet	Leiar	1,800 % av ordførarløn i året

Medlemmane får ei årleg fast godtgjering i tillegg til møtegodtgjering, utbetalt ein gong i året.

Formannskapet	Medlem	0,200 % av ordførarløn i året
Kommunestyret	Medlem	0,350 % av ordførarløn i året
STNR	Medlem	0,300 % av ordførarløn i året
SUKO	Medlem	0,163 % av ordførarløn i året
SHO	Medlem	0,163 % av ordførarløn i året

Møtegodtgjering for både faste og varamedlem, utbetalt etter møte.

Kommunestyret	0,25 % av ordførar pr. møte – timeliste
Formannskapet	0,30 % av ordførar pr. møte – timeliste
Sektorutval	0,20 % av ordførar pr. møte – timeliste

Andre kommunale utval, 0,03 % av ordførar si godtgjering pr. time – timeliste.

Når medlemane i kommunestyre, formannskap og sektorutval er kalla inn til andre møte får dei same timesats som andre kommunale utval, 0,33 % av ordførar si godtgjersle.

Leiarane i andre kommunale utval får timesats puss 50 %.

Det blir utbetalt godtgjersle for dei møta kommunen kallar inn til. Andre møte og arrangement ein sjølv vel å delta på blir ikkje godtgjort.

Varamedlemmer som møter i einskildsaker, får utbetalt 50 % av møtegodtgjering pr. møte i vedkomande utval.

O Endra ved forskrift [26 nov 2021 nr. 3983](#).

## § 6. Tapt arbeidsinntekt

Med unnatak av dei som er nemnt i § 6 3. ledd, har alle rett på godtgjering for tapt arbeidsinntekt etter følgjande reglar:

a. Godtgjering kan til vanleg berre betalast for møter mellom kl. 08.00 og 18.00.

Tapt arbeidsinntekt kan gis etter kl. 18.00 for dei som har arbeidstidsordningar som inneber arbeid på kveld/natt.

b. *Legitimert tapt arbeidsinntekt*

Arbeidstakar som blir trekt i løn får dekka faktiske trekk etter dokumentasjon frå arbeidsgjevar + feriepeng. Dokumentert tapt arbeidsinntekt kan dekkast med inntil kr 300,- pr. time.

c. *Sjølvstendig næringsdrivande*

Som dokumentasjon gjeld fakturert timesats eller pensjonsgjevande næringsinntekt ved siste likning, dividert med 1750 timer.

d. *Ulegitimert tapt arbeidsinntekt*

For sjølvstendige næringsdrivande er hovudregelen at dei får dekka kr 150,- pr. time ulegitimert (eigenmelding).

Det kan ikkje krevjast tapt arbeidsinntekt for meir enn møtetida + 1 time reisetid.

Offentleg tilsette, pensjonistar, og andre som har si faste løn i møtetida har ikkje rett på godtgjering for tapt arbeidsinntekt. (Godtgjersla gjeld for tapt arbeidsinntekt, ikkje for tapt fritid.)

### **§ 7. *Skyssgodtgjersle***

Skyssgodtgjersle blir betalt etter rimelegaste reisemåte. Bilgodtgjersle etter den til ei kvar tid gjeldande sats. Minsteavstand mellom heim/arbeidsstad og møtestad er 3 km.

Rekning for slike godtgjersler blir levert ein gong i månaden.

### **§ 8. *Særleg for kommunalt tilsette***

I samband med val/oppnemning skal det nyttast namn når vedkomande er valt som person og stillingsnemning når vedkomande er valt i kraft av si stilling.

Når vedkomande er valt pga. si stilling skal det ikkje betalast nokon godtgjering for møter i arbeidstida. Vedkomande kan då førebu seg til møta i arbeidstida. For pålagde møter utanom arbeidstida skal vedkomande ha overtidsgodtgjering etter dei til ei kvar tid gjeldande lover, reglar og avtaler. Unnateke frå dette er dei tilsette (sektorleiarar mv.) som får kompensasjon for kveldsmøter i form av ekstra fridagar.

Når vedkomande er valt som person (utanom stillinga si) skal det betalast møtegodtgjersle som for andre medlemmer av utvalet. Møteførebuing skal då skje utanom arbeidstida.

### **§ 9. *Krav om godtgjersle***

Krav om godtgjersle for møter, reiser og tapt arbeidsforteneste skal registrerast og leverast elektronisk etter kvar møte. Det vert vist til gjeldande satsar.

### **§ 10. *Revidering av forskrifta***

Politikargodtgjerslene skal vurderast mot slutten av kvar valperiode.

### **§ 11. *Tvilstilfelle***

Tvilstilfelle skal leggjast fram for administrasjonsutvalet til avgjerd.

### **§ 12. *Ettergodtgjering***

For ordførar som ikkje stiller til attval eller ikkje blir attvald, vert det gitt ettergodtgjering i 1,5 månad dersom vedkommande går attende til fast arbeid. Dersom vedkommande ikkje har fast arbeid å gå attende til, vert det gitt ettergodtgjering i 3 månader.

### **§ 13. *Verknadstidspunkt***

Forskrifta trer i kraft 28. november 2019.

## **4. DELEGERINGSREGLEMENT FOR ÅL KOMMUNE**

Frå 31. august 2017 i K-sak 46/17 er Ål kommune sitt delegeringsreglement og reglement for politisk organisering og gjeremål for dei enkelte organa, erstatta av elektronisk utgåve frå leverandøren Kommuneforlaget AS.

KF Delegeringsreglement er å finne på denne internettadressa:

<https://delegering.kf.no/delegering/publikum/3043>

I kommunelova § 5-14 Reglement for delegering og innstilling. Heiter det:

### ***§ 5-13. Reglement for folkevalgte organer***

- Folkevalgte organer skal ha et reglement som fastsetter*
- a) organets virkeområde og eventuelle vedtaksmyndighet*
  - b) tidsperioden som organet er opprettet for*
  - c) eventuelle andre sentrale bestemmelser om organets virksomhet.*

*Plikten etter første ledd gjelder ikke representantskap og andre styringsorganer for interkommunalt politisk råd, representantskap og andre styringsorganer for kommunalt oppgavefellesskap og styre for kommunalt eller fylkeskommunalt foretak.*

### ***§ 5-14. Reglement for delegering og innstilling***

*Kommunestyret og fylkestinget fastsetter selv et reglement for hvordan vedtaksmyndighet og innstillingsrett skal delegeres. Dette skal gjøres innen 31. desember året etter at kommunestyret og fylkestinget ble konstituert. Det sist fastsatte reglementet og eventuelle andre vedtak om delegering og innstillingsrett gjelder inntil et nytt reglement er fastsatt.*

## **5. ETISKE RETNINGSLINER FOR TILSETTE OG FOLKEVALDE I ÅL KOMUNE.**

Vedteke av Ål kommunestyre i K. sak 10/21, K. sak 46/17, K. sak 34/13, K. sak 77/12 og K. sak 55/11

### **5.1 Generelt**

Ål kommune legg stor vekt på rettskaffenhet, ærlegheit, rettferd, tillit og openheit i all si verksemd. Både folkevalde og tilsette har ansvar for å etterleva desse prinsippa.

Folkevalde og tilsette skal vere medvetne om at dei legg grunnlaget for innbyggjarane sin tillit og haldning til kommunen. Dei skal difor aktiv ta avstand frå, og kjempe mot all uetisk forvaltningspraksis.

Som forvaltarar av innbyggjarane sine fellesmidlar vert det stilt særskild strenge krav til den enkelte medarbeidar sine etiske haldningar i sitt arbeid for kommunen.

Leiarar på alle nivå har eit særskild ansvar for å utvikle haldningar og følgje opp at tilsette er kjend med og etterlever kommunen sine etiske retningslinjer.

Den enkelte tilsette har òg eit sjølvstendig ansvar for å sette seg inn i og følgje opp gjeldande etiske retningslinjer.

Baksnakking, mobbing, vald, trugsmål, sjikanering, kjønnstrakassering eller annan uheldig framferd skal ikkje skje - korkje over for eller i omtale av medarbeidrarar, politikarar eller innbyggjarar.

Alle folkevalde og tilsette skal med si underskrift stadfeste at dei er kjende med dei etiske retningslinene.

Kommunestyret har eit overordna ansvar for den kommunale verksemda, og for utarbeiding og godkjenning av etiske retningslinjer.

### **5.2 Omdømme**

Ynskt omdømme for Ål kommune er at vi hos innbyggjarar og samarbeidspartar framstår som ein heilskapleg, kvalitetsmedveten, imøtekomande og serviceinnstilt kommune.

Me skal legge vekt på å hindre misbruk av mynde.

### **5.3 Teieplikt**

Fortrulege opplysningar som ein blir kjend med i samband med handsaming av saker i kommunen, må haldast forruleg og ikkje brukast til personleg vinning.

Teieplikta gjeld også etter at ein har slutta i kommunen eller slutta i vervet ein er valt til.

Frå lukka møte er det til vanleg ikkje høve til å referere frå debatten og dei drøftingane som har funne stad. Elles syner ein til forvaltningslova og særlover sine reglar om teieplikt.

## **5.4 Integritet / interessekonfliktar / habilitet.**

Folkevalde og tilsette i Ål kommune skal søkje å unngå å koma i situasjonar som kan medføre konflikt mellom kommunens interesser og personlege interesser, konkurransesituasjon eller lojalitetskonflikt.

Tillitsverv eller økonomiske interesser som kan tenkast å koma i konflikt med den kommunale stillinga/tillitsvervet bør rådmann/ordførar vera orientert om.

Dersom personlige interesser kan påverke avgjerda i ei sak ein har faglig ansvar for, eller skal delta i handsaminga av, skal ein ta dette opp med nærmeste overordna leiar.

Eksempel på slike interessekonfliktar kan vera:

- forretningsmessige forhold
- lønna attåtarbeid
- engasjement i interesseorganisasjonar
- personlege økonomiske interesser
- kjøp av private tenester frå kommunens leverandørar
- familiære eller andre nære sosiale kontaktar
- når folkevalde eller tilsette sin eigen arbeidsplass står på dagsorden

## **5.5 Personlege fordelar**

### **5.5.1 Gåver**

Ved tilbod om gåver må det utvisast stor aktsemd. Gåver omfattar ikkje berre materielle ting, men også andre fordelar, t. d. i form av personlige rabattar ved kjøp av varer og tenester. Ein upassande fordel er alt som mottakaren kan sjå seg tent med eller ha nytte av.

Gåver av mindre verdi, så som konfekt, blomar o.l. kan ein ta imot.

Dersom ein er i tvil om mottak av gave, skal ein ta kontakt med nærmeste overordna leiar.

Moment ein skal ta med i vurderinga er: verdi, kor vanleg slik representasjon er, sedvanen i bransjen, formål med det som blir ytt, mottakaren si stilling/posisjon og openheit rundt gava/ytinga.

Mottatte gåver kan være upassande eller det kan være tvil om skal returnerast saman med skriv som gjer greie for kommunen sine etiske retningslinjer på dette området.

### **5.5.2 Innkjøp**

Innkjøp skal gjerast i tråd med innkjøpsrutinar for Ål kommune jfr. Ål kommune sitt økonomireglement og lov om offentlege innkjøp.

Kommunen si verksemd inneber sjølvsgart konsekvensar for miljøet. Folkevalde og tilsette har såleis ansvar for å vurdere og ta forsvarleg omsyn til også slike forhold ved innkjøp og/eller drift.

I alle innkjøpskontraktar i Ål kommune skal det leggast til grunn retningslinjer for etisk / rettferdig handel.

### **5.5.3 Privat bruk av kommunen sitt utstyr**

Hovudregelen er at bilar, tilhengarar, maskinpark og anna kommunalt utstyr, berre skal nyttast i kommunen si teneste. Kommunen sine eignedalar, telekommunikasjon og utstyr av alle slag kan berre brukast privat slik det er fastsett i kommunale retningsliner. Slik bruk må ikkje vera til ulempe for arbeidsgjevar. I tilfelle privat bruk skal utlånet registrerast og brukaren skal stå ansvarleg for utgifter og eventuelle skadar på utstyret.

### **5.5.4 Representasjon**

Moderate former for gjestfridom og representasjon høyrer med i samarbeidsforhold og informasjonsutveksling. Graden av slike ytingar må likevel ikkje gjevast slik at det verkar inn på avgjerdsprosessen, eller kan gi grunn til å tru det. Ein kvar tvil om slike forhold skal drøftes med nærmeste overordna.

### **5.5.5 Reiser**

Reiseutgifter knytt til faglege invitasjonar til utstillingar, kurs o.l. skal dekkjast av kommunen. Unntak frå dette prinsippet kan berre skje etter særskild samtykke frå nærmeste overordna.

For folkevalde vert det krevd samtykke frå ordføraren.

### **5.5.6 Biinntekter og foredrag.**

Alle tilsette i Ål kommune har eit sjølvstendig ansvar for å nytte arbeidstida effektivt. Tilsette kan ikkje utan løyve frå nærmeste overordna ta på seg lønna arbeid eller drive sjølvstendig verksemd i eit slikt omfang at det verkar negativt på vedkomande sin arbeidsinnsats for kommunen.

*Tilsette som får førespurnad om, eller på eige initiativ ynskjer å halde foredrag knytt til eige arbeidsfelt, skal avklare dette med nærmeste overordna. Dersom førebuing og gjennomføring er lagt til normal arbeidstid, er det som hovudregel Ål kommune som skal fakturere foredrags-honoraret.*

Det vert elles vist til eige "Arbeidsreglement for Ål kommune", som alle tilsette skal ha kjennskap til.

## **5.6 Registrering av verv og økonomiske interesser.**

**Ål kommunestyre har vedtatt å knyte seg til: [www.styrevregisteret.no](http://www.styrevregisteret.no).**

Ål kommune oppfordrar medlemmer i kommunestyret, råd og utval, leiarar og nøkkel- personell til å registrere sine styreverv, økonomiske interesser og liknande i registeret.

Registeret skal omfatte:

- styreverv i offentlege og private eigde selskap/dotterselskap.
- Styreverv i interesserorganisasjonar eller organisasjon som mottek økonomisk støtte frå kommunen.
- Lønna arbeid/konsulentoppdrag som kjem i tillegg til vervet som folkevald / styrerepresentant/tilsett i kommunen.
- Næringsinteresser; fast eigedom og større aksjepostar/eigardelar.

Registreringa skal skje seinast ein månad etter at kommunestyret har konstituert seg.

Administrative leiarar og tilsette blir registrert seinast ein månad etter at samtykke er gitt.

Registreringa blir gjort i samsvar med KS si rettleiing. Registrerte opplysningar er basert på samtykke frå den enkelte og er offentlig tilgjengelig gjennom [www.styrevvervregisteret.no](http://www.styrevvervregisteret.no)

Den enkelte registrerte kan til ei kvar tid velje å slette opplysningane sine i registeret. Opplysningane i registeret vil automatisk bli sletta etter 4 år om det ikkje er registrert ajourføringer.

## **5.7 Førebygging av sosial dumping - ILO konvensjonen nr. 94.**

I samband med offentlege bygge- og anleggskontraktar der leverandør eller underleverandør ikkje er norsk, oppstår av og til problem knytt til sosial dumping.

ILO konvensjonen nr. 94, skal sikre at leverandør eller underleverandør ikkje har dårlegare løns- og arbeidsvilkår enn det som er normalt på den arbeidsstaden der arbeidet blir utført.

Eit slikt krav skal innarbeidast i kontrakten med leverandøren, saman med krav om at leverandøren tek på seg solidaransvar for dette overfor eventuelle underleverandørar.

## **5.8 Varsling**

Ål kommune ynskjer å leggje vekt på ein open kultur der ein oppfordrar til dialog om etiske dilemma. I ein slik kultur kan varslarar bidra positivt til vidare utvikling av kommunen, og såleis erkjenner ein at openheit og varsling i eigne rekkjer er vesentlege moment for mellom anna å hindre og for å avdekke korруpsjon og andre kritikkverdige forhold.

I motsett fall, ved manglande kultur for openheit, kan det vere at varslaren ser seg tvungen til å ta opp saka utanfor vanleg kommunal saksgang. Dette vil truleg svekke kommunen sitt omdømme.

Prinsipp for kommunen si varslingsordning:

- Alle varslar skal takast på alvor og undersøkjast
- Kritikkverdige forhold må endrast eller stoppast
- Openheit og ærlegdom er viktig
- Kommunen treng arbeidstakrar som seier frå
- Alle saker bør som oftast takast opp med nærmeste leiari
- Den som varslar skal ivaretakast på ein god måte
- Den/dei det blir varsla om, har krav på rettssikkerheit

Med kritikkverdige forhold meiner me brot på lover/regler, allmenne etiske normer og interne regler/retningslinjer.

Den som oppdagar kritikkverdige forhold varslar sin nærmeste leiari på eige skjema for varsling ( sjå HMS-permen ) Leiaren undersøkjer, følgjer opp og melder tilbake til varslaren.

Om varslaren har ein god grunn til å gå utanom sin nærmeste leiari, kan det varslast til overordna leiari, tillitsvald eller verneombod.

## **5.9 Opplæring og diskusjon om etiske dilemma**

Alle nytilsette skal som ein del av introduksjonsprogrammet bli gjort kjende med dei etiske retningslinene. Nye leiatarar skal ha opplæring i etiske retningslinjer.

Etiske retningsliner skal vera ein del av programmet for folkevaldopplæringa.

I opplæringa for folkevalde og tilsette skal ein leggje vekt på følgjande:

**Verdiar:** Etikk og moral

**Faktakunnskap:** Relevante lovar og retningsliner

**Risiko:** Forståing og vurderingar

System, prosedyrar og tiltak

**Metodikk:** "Køyrereglar" for vurdering av etiske dilemma

Det er utarbeidd ein metodikk som skal nyttast i gjennomføringa av etiske diskusjonar på alle arbeidsplassar. Slike diskusjonar skal gjennomførast minst ein gong i året, men kan med fordel øg knytast opp til konkrete situasjonar som oppstår.

## 5.10 Leiing

Leiarar på alle nivå – administrative og politiske - har eit særleg ansvar for å oppretthalde og vidareutvikle aksept for god etisk framferd. Informasjon om etiske retningsliner og oppfølging er eit leiaransvar.

Leiarar på alle nivå skal rapportere til nærmaste overordna om brot på dei etiske retningslinene. Verksemdere og kommunen si årsmelding skal innehalde ei statusvurdering knytt til etiske dilemma.

## 5.11 Omfang

Dei etiske retningslinene gjeld for kommunalt folkevalde og tilsette i faste og mellombels stillingar.

Ål kommunestyre oppfordrar kommunalt eigde selskap, IKS og liknande til å utarbeide liknande etiske retningsliner.

## 5.12 Brot på dei etiske retningslinene

Folkevalde og tilsette har eit sjølvstendig ansvar for å ta opp med sin overordna forhold ein får kjennskap til på arbeidsplassen eller gjennom sitt tillitsverv, som ikkje er i samsvar med lov eller kommunens sine etiske normer og regler.

I tvilstilfelle, - ved habilitet, tilbod om gáver m.v., skal ein ta kontakt med nærmaste overordna. Folkevalde vender seg til ordføraren.

Ved brot eller mistanke om brot, vil det vere den tilsette sin nærmaste overordna som har ansvar for at saka blir følgd opp. For folkevalde vil dette være ordføraren.

Om det ikkje er naturleg å ta kontakt med nærmaste overordna, kan ein ta kontakt med sektorleiarar, personalsjef, rådmann eller ordførarar.

Ved brot på dei etiske retningslinene vil reaksjonsforma bli vurdert i kvart enkelt tilfelle. For straffbare forhold vil saka bli meld til politiet. For mindre brot vil reaksjonsforma t.d. vera tilrettevising eller åtvaring.

## **5.14 Aktuelle lover og reglar:**

Forvaltningslova  
Offentlegheitslova  
Kommunelova  
Straffelova  
Lov om offentlige anskaffelser  
Arbeidsmiljølova  
Personopplysningslova  
Aksjelova  
Lov om interkommunale selskap  
ILO-konvensjonen nr. 94

## **6. FRAMGANGSMÅTE FOR Å AVGJERE OM EI SAK ER PRINSIPELL.**

Vedteke av Ål kommunestyre i K.sak 10/21, K.sak 46/17, K.sak 34/13 K.sak 77/12 og K.sak 55/11

- 6.1. Dersom det er tvil om kor vidt ei sak er av politisk / prinsipiell karakter, eller dersom det er tvil om korleis ei sak av prinsipiell karakter skal handsamast i det politiske system, har ordførar og rådmann ansvaret for å avklare dette. Når desse er i tvil, legg ordføraren saka fram for formannskapet som avgjer spørsmålet.

Alle saker som har vore underlagt slike vurderingar, og der avgjerda er at saka får administrativ handsaming, skal det gjeldande politiske utval få saka som referatsak i fyrste møte etter at administrativt vedtak er fatta.

- 6.2. Dei avklaringar som blir gjort gjennom handsaming av slike tvilstilfelle, utviklar ein sedvane som supplerer reglane i delegasjonsreglementet.
- 6.3. Det kan lagast eigne reglar (vedtekter/retningsliner) for handsaming av bestemte type saker som går att med jamne mellomrom.
- 6.4. Dei politiske utvala kan samarbeide med rådmannen si leiargruppe om å utarbeide oversikter over kva for saker som blir sett å vere av prinsipiell art og kva for saker som i dei fleste høve ikkje er det.

Slike oversikter blir då retningsgjevande for sakshandsaminga seinare. Dei fritek ikkje administrasjonen for ei generell plikt til å vurdere kvar sak som ut frå sitt konkrete innhald, er ei administrativ eller politisk sak.

I praksis bør saker der det er tvil, handsamast som prinsipielle. Vidare er det ein føresetnad at sakshandsamar konfererer med sin overordna, eventuelt rådmannen, når det er tvil om ei sak er prinsipiell eller ikkje.

## Vedlegg I – STYRE, RÅD, UTVAL OG MEDLEM TIL


<b>Utval, styre, råd, medlem til</b>	<b>Tal på medlem</b>	<b>Møtegodtgj.</b>
Kommunestyret	25	X
Formannskapet	7	X
Sektorutval for helse og omsorg	7	X
Sektorutval for kultur og oppvekst	7	X
Sektorutval for teknisk, næring og ressurs	7	X
Administrasjonsutval (ADM)	10	X
Arbeidsmiljøutvalget (AMU)	8	X
Byggeskikk nemnda	3	X
Eldrerådet	7	X
Fjellstyret	5	
Forliksrådet	3	
Heimevernsnemnda	3	
Innsamlingskomiteen for TV-aksjonar	12	
Kommuneplanutvalet (Formannskapet)	7	X
Kontrollutvalet	5	X
Nesch-nemnda	3	
Næringsstyret	5	X
Råd for menneske med nedsett funksjonsevne	5	X
Sakkunnig takstnemnd for eigedomsskatt	3	X
Sakkunnig ankenemnd for eigedomsskatt	5	X
Tretterud eldrebolig (tidlegare Ola Tretteruds legat)	3	X
Utsmykkingsnemnda	2	X
Votnakraftstyret	5	X
Styret for Ål kraftverk (Formannskapet)	7	X
Ål valstyret / Valutval	7	X
17. mai nemnd	5	X
Ål Ungdomsråd	15	X
Medlem til Dyrevernernemnda for Nordre Buskerud, Hadeland og Valdres	1	
Medlem til fellesrådet for kyrkjene i Ål	1	
Medlem til styret for fiskekond Numedalslågen	1	
Medlem til styret for fiskekond Rødungen sør	1	
Medlem til styret for Grunneigarlaget for dei regulerte vatna i Hol og Ål	1	
Medlem til representantskapet for Hallingdal Brann- og redningsteneste IKS	1	
Medlem til styret for Hallingdal Brann- og redningsteneste IKS	1	
Medlem til styret for Hallingdal Kraftnett AS	1	
Medlem til representantskapet for Hallingdal Renovasjon IKS	2	
Medlem til styret for Hallingdal Renovasjon AS	1	
Medlem til Hallingtinget	5	
Medlem til Regionrådet for Hallingdal	1	
Medlem til representantskapet til IKA-Kongsberg	1	
Medlem til Kleivi Næringspark	1	
Medlem til representantskapet for kommunens opplæringskontor i OKViken	1	
Medlem til representantskapet til kommunerevisjon IKS	1	
Medlem til styret til kommunerevisjon IKS	1	
Medlem til styret for skatteoppkrevjaren i Hallingdal	2	
Medlem til klagenemnd for skatteoppkrevjaren i Hallingdal	1	

Medlem til Smil-nemnda (tilskot til spesielle miljøtiltak i jordbruket)	1	
Medlem til Sparebankstiftelsen Hallingdal Valdres	1	
Medlem til Fjellandbruket – Buskerud og Telemark	1	
Medlem til styret for vegen Rødungstølkrysset – Bry bru	1	
Medlem til interkommunalt utval for vern mot akutt forureining (IUA)	1	
Medlem til representantskapet i vestvikten 110 IKS	1	
Medlem til Villreinnemnda for Nordfjella og Fjellheimen	1	
Medlem til generalforsamlinga for Vinn AS	1	
Medlem til styret for Ål Bygdemuseum	2	
Medlem til styret for Ål bygdearkiv	1	
Medlem til generalforsamlinga fol Ål utvikling AS	1	
Medlem til styret for Ål utvikling AS	1	
Medlem til samarbeidsutval ved skular og barnehagar i Ål		
Astrid og Knut Bakkens legat	3	
Legat for Leveld Kapelldistrikt	5	
Legat for Torpo sokn	5	
Ingeborg Rønnings legat	2	

## Vedlegg II A - Ål kommune - Politisk organisering



Ål kommune - Politisk organisering pr. 01.01.2021



## Vedlegg II B - Ål kommune – Administrativ organisering

Vedteke av Ål kommunestyre i K. sak 46/17.



## Ål kommune – Administrativ organisering

Ver. 05.09.2017 GBn

